

Bases concurso de postais “Nadal en Outes”

1.- Obxecto e finalidade

O Concello de Outes, a través do Servizo de Normalización Lingüística (SNL), pon en marcha “Nadal en Outes” co obxecto de promover o uso da lingua galega e fomentar a creatividade mediante a realización de postais de Nadal.

No concurso pode participar calquera persoa menor de idade, mediante a elaboración de postais que teñan que ver co Nadal. O obxecto de dito concurso é promover o uso do galego entre a mocidade e infancia, en particular, favorecer a transmisión interxeracional da lingua e fomentar a creatividade.

2.- Categorías e prazo de participación

Poden concursar todos os menores que o desexen, calquera que sexa a súa nacionalidade.

Ao ser menores de idade, no momento da entrega da postal, cubrirase unha autorización do pai, nai ou titor/a legal.

Establécense as seguintes categorías:

Categoría 1: de 3 a 7 anos

Categoría 2: de 8 a 11 anos

Categoría 3: de 12 a 17 anos

O prazo para a recepción de postais estará aberto até o 22 de decembro de 2025. As postais deben entregarse no Concello (departamento de Normalización Lingüística) ou na Casa da Cultura. A participación no concurso implica a aceptación das bases.

3.- Requisitos e mecánica do concurso

Os requisitos para participar serán os seguintes:

1. As persoas participantes deberán entregar a postal no Concello (departamento de Normalización Lingüística) ou na Casa da Cultura antes do 22 de decembro de 2025.

2. Cubrir o formulario cos datos persoais que no momento en que entreguen a súa postal.

3. Cada persoa pode presentar como máximo dúas postais de Nadal.

4. As postais presentadas deben ser orixinais e non ter sido premiados noutros concursos.

Mecánica do concurso de postais:

- A ilustración non pode superar o tamaño dun DIN A4 (21 x 29,7 cm).
- A forma da postal é libre e a orientación pode ser vertical ou horizontal.
- O material a utilizar é libre (pintura, cera, rotulador, acuarela, lapis...).
- O contido do debuxo debe estar relacionado co Nadal.
- A postal pode ter unha breve mensaxe, esta deberá estar escrita en lingua galega.
- A postal non debe conter datos persoais, estes cubriranse nunha ficha cando se entregue o traballo.

4.- Premios

Entre todos os traballos presentados escolleranse dúas postais gañadoras de cada categoría.

Os premios serán os seguintes:

- **Categoría 1:**

- Primeiro premio: vale de 50€ para gastar no comercio local de Outes e un lote de libros en galego
- Segundo premio: Lote de libros en galego

- **Categoría 2:**

- Primeiro premio: vale de 50€ para gastar no comercio local de Outes e un lote de libros en galego
- Segundo premio: Lote de libros en galego

- **Categoría 3:**

- Primeiro premio: vale de 50€ para gastar no comercio local de Outes e un lote de libros en galego
- Segundo premio: Lote de libros en galego

5.- Xurado

O xurado será designado polo Concello de Outes e terá unha composición de tres membros. O xurado terá a competencia de interpretar as bases e de resolver calquera circunstancia non prevista aquí recollida.

Para a escolla das postais gañadoras, o xurado terá en conta a creatividade, a

orixinalidade, o traballo artesanal e o texto máis axeitado para o Nadal.
As persoas gañadoras serán notificadas polo Concello de Outes mediante chamada telefónica.

6.- Protección de datos persoais

O Concello de Outes tratará de forma segura e co máximo coidado todos os datos persoais. De conformidade co establecido na lexislación vixente en materia de protección de datos, as persoas participantes garanten que os datos persoais facilitados son veraces. As persoas participantes teñen dereito a acceder, rectificar e solicitar a eliminación dos seus datos, a través do enderezo electrónico barbara.carballo@outes.gal indicando o motivo da petición.

7.- Cambios

Resérvase o dereito de modificar ou ampliar estas bases na medida en que non prexudique os dereitos das persoas participantes no concurso.

Terceiro.- Publicar o texto íntegro das bases do concurso de postais "*Nadal en Outes*" no Boletín Oficial da Provincia da Coruña e na web do Concello de Outes.